

王右丞集注

冊三

王右丞集卷之九

仁和趙殿成松谷箋註

近體詩三十五首

春日上方即事

方文苑英華作房誤

好讀高僧傳時看辟穀方鳩形將刻杖龜殼用支牀

柳色春山映梨花夕鳥藏梨花瀛奎律髓作花明北牕桃李下閑坐

但焚香

坐瀛奎律髓作步○樂府詩集採此詩後四句入近代曲辭題作長女命謂張說作萬首唐人絕句亦採此四句收入五言絕句命題正同而仍作公詩

高僧傳

隋書經籍志有高僧傳十四卷釋僧佑撰唐書藝文志有虞孝敬高僧傳六卷僧惠皎高僧傳十四卷僧道宗續高僧傳三十二卷

鳩杖後漢書禮

儀志仲秋之月縣道皆按戶比民年始七十者授之以玉杖鋪之糜粥八十九十禮有加賜玉杖長尺端以鳩鳥為飾鳩者不噎之鳥也欲老人不噎

龜支牀史記南方

老人用龜支牀足行二十餘年老人死移牀龜尚生不死龜能行氣導引

汎前陂

秋空自明迴

自明一作明月

汎復遠人間

間文苑英華作實

暢以沙際鶴兼

之雲外山澄波澹將夕波一作波清月皓方閒此夜任孤棹

夷猶殊未還

夷猶

楚辭君不行兮夷猶王逸註夷猶猶豫也謝朓詩停驂我悵望輟棹子夷猶

楊升庵曰王右丞詩暢以沙際鶴兼之雲外山孟浩然詩重以觀魚樂因之鼓枻歌雖用助語詞却無頭巾氣宋人黃陳輩效之如且然聊爾耳得也自知之又如命也豈終否時乎不暫留豈止學步

邯鄲效響西子已哉

游李山人所居因題屋壁

世上皆如夢

世上一作世人一作人事

狂來或自歌

狂文苑英華作往或一作止

問年松樹

老有地竹林多

林文苑英華作陰

藥倩韓康賣門容向子過

向一作向翻

嫌枕席上無那白雲何

那一作奈

向子

英雄記向子平有道術為縣功曹休歸自入山擔薪賣以供食飲後漢書向長字子平河內朝歌人也隱居不仕性尚中和好通老易貧無資食好事者更饋焉受之取足而反其

餘王莽大司空王邑辟之連年乃至欲薦之於莽固辭乃止

登河北城樓作

井邑傳巖上傳文苑英華作傳誤客亭雲霧間高城眺落日極浦映

蒼山岸火孤舟宿漁家夕鳥還寂寥天地暮暮凌本作外心

與廣川閒

河北

唐書地理志陝州平陸縣本河北縣天寶元年太守李齊物開三門以利漕運得古刃有篆文曰平陸因更名

井邑

釋名周制九夫爲井其制似井字也四井

爲邑邑猶邑也邑人聚會之稱也陸雲詩修路無窮跡井邑自相循

傳巖

水經註沙澗水北出虞山東南逕傳巖歷傳說隱室前俗名之爲聖人窟孔安國傳傳說隱於虞號之間

卽此處也史記正義地理志云傳險卽傳說版築之處所隱之處窟名聖氏窟在今陝州河北縣北七里卽虞國號國之界元和郡縣志傳巖在陝州平陸縣北七里卽傳說版築之處

寂

寥

四子講德論紛紜天地寂寥宇宙李善註寂寥曠遠之貌也

廣川

史記此皆廣川大水山林谿谷不食之地也

登裴迪秀才小臺作

端居不出戶滿目望雲山

望一作空

落日鳥邊下秋原人外

閒遙知遠林際不見此簷間好客多乘月應門莫上

關

秋原

沈約詩秋原嘶代馬

上關

劉楨詩應門重其關庾肩吾詩洛橋初度燭青門欲上關

被出濟州

河嶽英靈集作初出濟州別城中故人

微官易得罪謫去濟川陰執政方持法明君無此心

無一作照

閨閣河潤上井邑海雲深縱有歸來日多愁年鬢

侵

多諸本皆作各河嶽英靈集唐詩品彙俱作多今從之

濟州

劉昫唐書地理志隋置濟北郡武德四年改濟州天寶元年改爲濟陽郡十三載六月一日廢濟州

持法

漢書翟方進爲相公潔請託不行郡國持法刻深舉

奏牧守九卿峻文深詆中傷者尤多

河潤

莊子河潤九里

千塔主人

逆旅逢佳節征帆未可前
牕臨汴河水門渡楚人船
雞犬散墟落桑榆蔭遠田
所居人不見枕席生雲烟

汴河

輿地廣記汴河蓋古黃蕩渠也首受黃河水隋煬帝開浚以通江淮漕運兼引汴水亦曰通濟渠鄭樵通志汴水一名鴻溝一名官度水一名通濟渠一名黃蕩渠或云黃蕩渠別

汴首受河水自汜水縣東南過滎陽陳留睢陽符離至泗州入淮

使至塞上

單車欲問邊屬國過居延文苑英華作銜命辭天闕單車征蓬出漢

塞蓬文苑英華作鴻歸鴈入胡天大漠孤烟直長河落日圓蕭關

逢候騎騎顧可久本唐詩品彙俱作吏都護在燕然

屬國漢書武帝紀匈奴昆邪王殺休屠王并將其衆合四萬餘人來降置五屬國以處之師古註凡言屬國者存其國號而屬漢朝故曰屬國衛青傳乃分處降者於邊五郡故塞外而

皆在河南因其故俗爲屬國師古曰不改其本國之俗而屬於漢故號屬國居延漢書將軍去病公孫敖出北地二千餘里過居延斬首虜三千餘級師古曰居延匈奴中地名

也韋昭以爲張掖縣失之張掖所置居延縣者以安處所獲居延人而置此縣後漢書郡國志有張掖屬國居延屬國史記索隱地理志張掖居延縣西北有居延澤古文以爲流沙廣志流沙在玉門

關外有居延澤居延城元和郡縣志居延海在甘州張掖縣東北一百六十里即居延澤古文以爲流沙者風吹沙流行故曰流沙征蓬吳均詩胡笳聲斷征蓬未肯還

漢塞史記匈奴傳單于既入漢塞胡天梁簡文帝阻歸賦隴樹鏡風胡天少色大漠班固燕然山銘經磧國絕大漠李周翰註大漠沙漠也

孤烟直庚信詩野戍孤烟起埤雅古之烽火用狼糞取其烟直而聚雖風吹之不斜或謂邊外多迴風其風迅急裊烟沙而直上親見其景者始知直字之佳蕭

關史記正義蕭關今古隴山關在平涼縣界元和郡縣志蕭關故城在平涼候騎史記平高縣東南三十里漢書文帝十四年匈奴入蕭關殺北地都尉是也

至雍甘泉何遜詩候騎出蕭關追兵赴馬邑燕然後漢書車騎將軍竇憲出雞鹿塞度遼將軍竇鴻出柘楊塞南單于出蕭夷谷與北匈奴戰於稽落山大破之追至和渠北覲

海寶憲遂登燕然山刻石勒功而還太平寰宇記燕然在振武軍金河縣北近磧入塞圖云即君成又直北三千里至燕然山又北行千里至瀚海輿地廣記單于大都護府金河縣有燕然山東漢寶

憲勤銘於

珍傲宋版印

晚春閨思

河嶽英靈
集作春閨

新妝可憐色落日卷羅帷

羅河嶽英
靈集作簾

鑪氣清珍簾鑪一作淑牆陰

上玉墀春蟲飛網戶暮雀隱花枝向晚多愁思閒牕

桃李時

珍簾

謝朓詩珍簾清夏室
輕扇動涼颼

網戶

楚辭網戶朱綴刻方連些
王逸註網戶綺文鏤也

戲題示蕭氏外甥

憐爾解臨池渠爺未學詩老夫何足似弊宅倘因之

蘆笋穿荷葉

穿顧元緯本凌
本俱作藏

菱花罨鴈兒郗公不易勝莫著

外家欺

臨池

晉書衛恆傳張伯英
臨池學書池水盡黑

弊宅

晉書魏舒少孤爲外家寧氏所養寧氏起宅相宅者云當
出貴甥祖母以魏氏甥小而慧意謂應之舒曰當爲外祖

宅相郗公

成此世說王子敬兄弟見郗公躡屐問訊甚修外生禮及嘉賓死皆着高屐儀
宅相容輕慢命坐皆云有事不暇坐既去郗公慨然曰使嘉賓不死鼠子敢爾

秋夜獨坐

唐詩正音作冬夜書懷誤

獨坐悲雙鬢空堂欲二更
雨中山果落燈下草蟲鳴
白髮終難變黃金不可成
欲知除老病惟有學無生

黃金

江淹詩丹砂信難學黃金不可成

待儲光羲不至

重門朝已啓起坐聽車聲
要欲聞清佩方將出戶迎
曉鐘鳴上苑疎雨過春城
了自不相顧臨堂空復情

空復情

謝朓詩嬋娟空復情

聽宮鶯

春樹繞宮牆春鶯囀曙光

文苑英華作宮鶯次第翔

欲驚啼暫斷移處

弄還長隱葉棲承露攀花出未央

攀一作排

游人未應返爲

此思故鄉

文苑英華作爲此始思鄉

承露

咸陽古跡圖漢承露臺在秦磁石門內

未央

西京雜記漢高帝七年蕭相國營未央宮因龍首山製前殿建北闕

早朝

柳暗百花明春深五鳳城城烏睥睨曉

烏文苑英華作鴉

宮井轆

轆聲方朔金門侍

侍文苑英華作召

班姬玉輦迎仍聞遣方士東

海訪蓬瀛

睥睨

釋名城上垣曰睥睨廣雅睥睨女牆也

轆轤

韻會轆轤井上汲水木

方朔

漢書東方朔待詔金馬門稍得親近

班姬

漢書成帝

游於後庭欲與班婕妤同輦載婕妤辭

玉輦

潘岳籍田賦天子乃御玉輦

方士

史記封禪書天子使方士入海求蓬萊安期生之屬

蓬瀛

之東不知幾億萬里有大壑焉實惟無底之谷其下無底名曰歸墟八紘九野之水天漢之流莫不注之而無增無減焉其中有五山焉一曰岱輿二曰員嶠三曰方壺四曰瀛洲五曰蓬萊其山高下周旋三萬里其頂平處九千里山之中間相去七萬里以為鄰居焉其上臺觀皆金玉其上禽獸皆純縞珠玕之樹皆叢生華實皆有滋味食之皆不死所居之人皆仙聖之種一日一夕飛相往來者不可數焉

周旋三萬里其頂平處九千里山之中間相去七萬里以為鄰居焉其上臺觀皆金玉其上禽獸皆純縞珠玕之樹皆叢生華實皆有滋味食之皆不死所居之人皆仙聖之種一日一夕飛相往來者不可數焉

愚公谷三首

原註青龍寺與黎昕戲題

愚公與誰去唯將黎子同非須一處住不那兩心空

愚公與誰去唯將黎子同非須一處住不那兩心空

寧問春將夏誰論西復東不知吾與子若箇是愚公
吾家愚谷裏吾顧可久本作愚此谷本來平雖則行無跡還能響
應聲不隨雲色暗只待日光明緣底名愚谷都由愚
所成

借問愚公谷與君聊一尋不尋翻到谷此谷不離心
行處曾無險看時豈有深寄言塵世客何處欲歸臨

歸臨一作
鏡林

雜詩

雙燕初命子五桃初作花初一作新作凌本作結王昌是東舍宋王

次西家小小能織綺時時出浣紗親勞使君問南陌

駐香車

五桃

鮑照詩中庭五株桃一株先作花

王昌

成按唐人詩中多用王昌事上官儀詩南國自然勝掌上東家復是憶王昌李義山詩王昌只在牆東住未必金堂

得免嫌韓偓詩何必苦勞魂與夢王昌只在此牆東襄陽耆舊傳王昌字公伯爲東平相散騎常侍
早卒婦任城王曹子文女昌第式爲渡遼將軍長史婦尙書令桓楷女昌母聰明有教典二婦入門
皆令變服下車不得踰後後楷子嘉尙魏主欲金縷衣見式婦嘉止之曰其嫗嚴固不得
倍爾不須持往犯人家法其畏如此似非挑鬪之流也蓋別是一人然他書無考

宋玉

登徒子賦宋玉曰天下之佳人莫若楚國楚國之麗者莫若臣里臣里之美者莫若臣東家之子增
之一分則太長減之一分則太短著粉則太白施朱則太赤眉如翠羽肌如白雪腰如束素齒如含
貝嫣然一笑惑陽城迷下蔡然此女
登牆三年窺臣三年至今未許也

織綺

梁武帝詩莫愁十三能織綺

過秦皇墓

秦文苑英華作始○時年十五
文苑英華作時年二十

古墓成蒼嶺幽宮象紫臺星辰七曜隔河漢九泉開
有海人寧渡無春鴈不迴更聞松韻切疑是大夫哀

秦皇墓

漢書秦始皇帝葬於驪山之阿下銅三泉上崇山墳其高五十餘丈周圍五里有餘
石椁爲游館人膏爲燈燭水銀爲江海黃金爲鳧鴈珍寶之藏機械之變棺槨之麗

宮館之盛不可勝原水經註秦始皇大興厚葬營建冢壙於麗戎之山一名藍田其陰多金其陽多
玉始皇貪其美名因而葬焉斬山鑿石下涸三泉以銅爲椁旁行周迴三十餘里上畫天文星宿之

象下以水銀爲四瀆百川五嶽九州具地理之勢宮觀百官奇器珍寶充滿其中以人魚膏爲燈燭
取其不滅者久之後宮無子者皆使殉葬甚衆墳高五丈周圍五里餘作者七十萬人積年方成史

記正義括地志云秦始皇陵在雍州新豐縣西南十里長安志秦始皇陵在臨潼縣東一十五里國
志曰始皇陵有銀蠶金雁以多奇物故俗云秦王地市中關中記曰秦始皇陵在驪山之北高數十丈

周六里今在陰平縣界三輔故事曰始皇陵七百步以明珠爲日月魚膏爲脂燭金銀爲鳧鴈金蠶
三十箔四門施徹奢侈太過六年之間爲項籍所發兩京道理記曰陵高一千二百四十尺內院周

五里外院周十

紫臺江淹恨賦紫臺稍遠李善註紫臺猶紫宮也呂延濟註紫臺宮也天子所居處

七曜

初學記日月五星謂之七曜

九

泉

木華海賦吹炯九泉李善註地有九重故曰九泉

故太子太師徐公輓歌四首

功德冠羣英彌綸有大名軒皇用風后傳說是星精
就第優遺老來朝詔不名留侯常辟穀常一作嘗何苦不長生

徐公

劉昫唐書天寶八載閏六月戊辰太子太師徐國公蕭嵩薨

輓歌

杜氏通典漢高帝時齊王田橫自殺其故吏不敢哭泣但隨柩敘哀而後代相承以為輓歌蓋

因於古也李周翰文選註使輓

風后

帝王世紀黃帝夢大風吹天下之塵垢皆去帝悟而嘆曰風為號令執政者也垢去土后在也天下豈有姓風名后

者哉於是依占而求之得

傳說

莊子傳說得之以相武丁奄有天下

就第

漢書鴻嘉元年張禹以老病乞

骸骨上加優再三乃聽許賜安車駟馬黃金百斤罷就第以列侯朝朔望宋祁唐書嵩本傳帝委嵩擇相嵩推韓休及休同位峭正不相假至校曲直帝前嵩慚乞骸骨帝慰之曰朕未厭卿何庸去乎

嵩伏曰臣待罪宰相爵位既極幸陛下未厭得以乞身有如厭臣首領且不保又安得自遂因流涕帝為改容曰卿言切矣朕未能決第歸夕當有詔俄遣高力士詔嵩曰朕將爾留而君臣誼當有始

有卒者乃授尚書右丞相與休皆罷

不名

漢書高皇帝褒賞元功相國蕭何邑戶既倍又蒙殊禮奏事不名入殿不趨

留侯

史記留侯曰願棄人間事欲從

赤松子游耳乃學辟穀導引輕身劉昫唐書嵩本傳
嵩性好服餌及罷相於林園植藥合鍊自適

謀猷為相國翊贊奉乘輿贊一作戴乘文苑英華作宸劍履升前殿貂蟬

託後車齊侯疏士字漢室賴圖書僻處留田宅仍纔

十頃餘項文苑英華作畝

謀猷書君陳爾有嘉謀嘉猷則入告爾后於內爾乃順之於外曰斯謀斯猷惟我后之德又文侯之命越小大謀猷罔不率從乘輿賈誼新書天子車曰乘輿十六

國春秋天子以四海為家故行曰乘輿止曰行在唐六典劍履史記於是乃令蕭何賜帶劍履上殿入朝不趨隋書禮儀志大

凡夷夏之通稱天子曰皇帝服御曰乘輿行幸曰車駕臣優禮皆貂蟬後漢書侍中中常侍加黃金璫附蟬為文貂尾為飾章懷太子註應劭漢官曰說者以金取堅剛百鍊不耗蟬居高飲潔口在腋下貂內勁捍而外溫潤因此

劍履上殿物生義也隋書禮儀志貂蟬按漢官內侍金蟬左貂金取剛固蟬取高潔也董巴志曰內常侍右貂金璫銀附蟬內書令亦同此今宦者去貂內史令金蟬右貂納言金蟬左貂開皇時加散騎常侍在

門下者皆有貂蟬唐六典註貞觀初置散騎常侍二員隸門下省明慶三年又置員外隸中書省始有左右之號並金蟬珥貂左散騎與侍中左貂右散騎與中書令右貂謂之八貂託

後車魏文帝與吳質書從者鳴笳以啓路文學託乘於後車劉良註託附也齊侯按春秋齊國屬青州不屬徐州而唐之徐州彭城郡又是宋地非齊地右丞用齊侯

字未詳疏士字漢書黔布傳疏爵而貴之張晏註疏分也後漢書黃瓊傳大啓士字開地七百圖書漢書沛公至咸陽諸將皆爭走金帛財物之府分之

蕭何獨先入收秦丞相御史律令圖書藏之沛公具知天下阨塞戶口多少強弱處民所疾苦者以何得秦圖書也田宅漢書蕭何買田宅必居窮僻處為家不治垣屋曰今後世賢師

吾儉不賢毋爲
勢家所奪

舊里移庭日新年置酒辰聞詩鸞渚客賦獻鳳樓人

北闕辭明主闕顧可久本文苑英華俱作首東堂哭大臣猶思御朱輅不惜

汙車茵

鸞渚客

傳咸詩雙鸞游蘭渚劉昫唐書嵩本傳嵩子華時爲工部侍郎衡以主婿三品嵩瞻然就養十餘年家財豐贍衣冠榮之

鳳樓

列仙傳蕭史者秦穆

公時人也善吹簫能致孔雀白鶴於庭穆公有女字弄玉好之公遂以女妻焉日教弄玉作鳳鳴居數年吹似鳳聲鳳凰來止其屋公爲作鳳臺夫婦止其上不下數年一日皆隨鳳凰飛去唐書公主

列傳元宗女新昌公主下嫁蕭衡

北首

禮記故死者北首生者南鄉孔穎達正義體魄降入於地爲陰故死者北首歸陰之義

東堂

杜氏通典華虞決疑

註云國家爲同姓王公妃主發哀於東堂爲異姓公侯都督發哀于朝堂北史魏晉以來親臨多闕至于戚臣必于東堂哭之

汙車茵

漢書丙吉爲丞相馭吏嗜酒數逋蕩嘗從

吉出醉歐丞相車上西曹主吏白欲斥之吉曰以醉飽之失去士使此人將復何所容西曹第忍之此不過汙丞相車茵耳

久踐中台座終登上將壇誰言斷車騎

言文苑英華作將

空憶盛

衣冠風日咸陽慘笳簫渭水寒無人當便闕應罷太

師官

中台

晉書天文志三台六星兩兩而居起文昌列抵太微一曰天柱三公之位也在人曰三公在天曰三台主開德宣符也西近文昌二星曰上台為司命主壽次二星曰中台為司中

主宗室東二星曰下台為司祿主兵

上將壇

劉昫唐書嵩本傳開元十五年涼州刺史河西節度王君奭恃眾每歲攻擊吐蕃吐蕃大將悉諾邏恭祿及燭龍莽布支攻陷

瓜州城執刺史田元獻及君奭父壽盡取城中軍資及倉糧仍毀其城而去又攻玉門軍及常樂縣無何君奭又為迴紇諸部殺之於鞏筆驛河隴震駭乃以嵩為兵部尚書河西節度使判涼州事嵩

乃請以裴寬郭虛已牛仙客在其幕下又請以建康軍使左金吾將軍張守珪為瓜州刺史修築州城招輯百姓令其復業時悉諾邏恭祿威名甚振嵩乃縱反間於吐蕃言其與中國潛通贊普遂召

而誅之明年秋吐蕃大下悉未朗復率眾攻瓜州守珪出兵擊走之隴右節度使鄯州都督張志亮引兵至青海西南馮波谷與吐蕃接戰大破之八月嵩又遣副將杜賓客率弩手四千人與吐蕃戰

於祁連城下自晨至暮散而復合賊徒大潰臨陣斬其副將一人散走山谷哭聲四合露布至元宗大悅乃加嵩同中書門下三品恩顧莫比十七年又加兼中書令自十四年燕國公張說罷中書令

後缺此位四年而嵩居之常帶河西節度遙領之

笏簫

曹植與吳質書錫酌陵波於前笏簫發音於後

太師

宋書太師太傅太保是為三公論道經邦變理陰陽

無其人則闕唐六典太師太傅太保非道德崇重則不居其位無其人則闕之

故西河郡杜太守輓歌三首

天上去西征雲中護北平生擒白馬將連破黑雕城

忽見芻靈苦

苦顧可久本文苑英華俱作善

徒聞竹使榮空留左氏傳誰繼

卜商名

西河郡

唐書地理志河東道有汾州西河郡

雲中

史記正義括地志云雲中故城在勝州榆林縣東北四十里秦雲中郡

北平

史記正義

幽州漁陽縣東南七十里北平城即漢古北平也

白馬將

史記有白馬將出護其兵李廣上馬與十餘騎奔射殺胡白馬將而復還

芻靈

禮記塗車芻靈自古

有之明器之道也鄭康成註芻靈東茅爲人馬謂之靈者神之類

竹使

漢書初與郡守爲銅虎符竹使符應劭曰竹使符皆以竹箭五枚長五寸鐫刻篆書第一至第五師古曰

與郡守爲符者謂各分其半右留京師左以與之史記索隱漢舊儀銅虎符發兵長六寸竹使符出入徵發

左氏傳

晉書杜預立功之後從容無事乃耽思經籍爲春秋

左氏經傳集解又參考衆家譜第謂之釋例又作盟會圖春秋長歷備成一家之學比老乃成

卜商

史記卜商字子夏少孔子四十四歲孔子既沒子夏居西河教授爲魏文侯師元和

郡縣志汾州西河郡禹貢冀州之域其在虞舜十二州及周皆屬并州春秋時爲晉地後屬魏謂之西河子夏居西河謂此也

返葬金符守

守劉本顧可久本俱作字非

同歸石窳棲

棲一本作妻爲是

卷衣悲畫翟

持嬰待鳴雞容衛都人慘山川駟馬嘶猶聞隴上客

相對哭征西

金符

謝朓思歸賦拖銀黃之沃若剖金符之陸離金符即銅虎符也事見前首竹使註中

石窳

左傳齊侯見保者曰勉之齊師敗矣辟女子女子曰君免乎曰免矣曰銳

師徒免乎曰免矣曰苟君與吾父免矣可若何乃奔齊侯以爲有禮既而問之辟司徒之妻也予之石窳杜預註石窳邑名濟北盧縣東有地名石窳

卷衣

衣謂殯宮前所陳設

之靈衣殯將出故卷而藏之即謝朓齊敬皇后哀策文所云俎徹三獻筵卷六衣之義或引喪大記北面三號卷衣投于前此則始死之儀非與殯之事矣

畫翟

禮記夫人揄狄鄭康

成註翟雉名刻繒而畫之著於衣以為飾因以為名也孔穎達正義云掄持翬周禮大喪持翬禮記喪大記翬

翬二翬翬二畫翬二鄭康成註漢禮翬以木為筐廣三尺高二尺四寸方兩角高衣以白布畫者畫雲氣其餘各如其像柄長五尺車行使人持之而從既窆樹于壙中檀弓曰周人牆置翬是也孔穎

達正義云翬形似扇以木為之在路則障車入樽則障極凡有六枚二畫為翬二畫為翬二畫為雲氣禮器云天子八翬諸侯六大夫四釋名翬齊人謂扇為翬此似之也象翬扇為清涼也翬有翬有

畫各以其鳴雞潘安仁哀永逝文聞雞鳴容衛庾子山入重陽閣詩北原風雨散南宮容飾名之也

滿目容衛靈歸盧思道彭城王挽歌容衛儼未歸空山照秋月所謂容衛未詳其義或謂後漢書祭遵傳有朱輪容車介士軍陣送葬之文章懷太子註容車容飾之車像生時也容衛恐亦是此義成

按庾信祀方澤歌有川澤茂祉邱陵容衛之句右丞曲江侍宴應制詩有草樹連容衛山河對冕旒之句顧況宮詞有玉階容衛宿千官風獵青旂曉仗寒之句則非送葬之儀矣北史廣陽王嘉性好

儀飾車服鮮華既居儀同又任端首出入容衛道路榮之則容衛即是儀衛之義矣征西後漢書耿秉傳肅宗拜秉征西將軍遣案行涼州邊境勞賜保塞羌胡永元三年卒匈奴聞秉

卒舉國號哭或至梨面流血

塗芻去國門祕器出東園太守留金印夫人罷錦軒

旌旄轉衰木簫鼓上寒原墳樹應西靡長思魏闕恩

塗芻釋名塗車以泥塗為車也芻靈祕器後漢書孔霸薨上素服臨弔者再至賜東園祕器東草為人馬靈名之也

東園祕器玉衣繡衾章懷太子註東園署名屬少府主作凶器故言祕也錦軒漢書西域傳馮夫人錦車持節西靡聖賢塚墓記東平思